



Broj:02/5-1-02-1-2158/18

Dana:13.04.2018. godine

**SKUPŠTINA KANTONA SARAJEVO**  
n/r predsjedavajuće Skupštine

**PREDMET: Odgovor na poslaničko pitanje zastupnika Semira Halilovića, dostavlja se,-**

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 40. Radnoj sjednici Skupštine Kantona Sarajevo održanoj dana 04.04.2018. godine postavio zastupnik Semir Halilović.

S poštovanjem,

**Prilozi:**

- Odgovor Uprave policije;
- CD

**Dostaviti:**

- Naslovu;
- Stručna služba Vlade Kantona Sarajevo;
- a/a



**MINISTAR**  
[Redacted signature]  
**Vedran Mulabdić**



**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**Sektor za pravne, kadrovske, logističke poslove,**  
**edukaciju i analitiku**  
**SARAJEVO**

**Broj:** 02/5-1- 02-1-2158  
**Dana:** 10.04.2018. god.

**MUP KANTONA SARAJEVO**  
**-n/r ministra-**

**PREDMET: Odgovor na poslaničko pitanje, dostavlja se,-**

Veza: akt Stručne službe Vlade KS, broj:16-49-29-45/18 od 05.04.2018.godine

Aktom Stručne službe Vlade Kantona Sarajevo, broj:16-49-29-45/18 od 05.04.2018.godine, dostavljeno je poslaničko pitanje zastupnika Semira Halilovića na 40. Radnoj sjednici Skupštine Kantona Sarajevo održanoj dana 04.04.2018. godine i to:

“S obzirom da je po proceduri koju provodi Ministarstvo unutrašnjih poslova Kantona Sarajevo ukupan broj uspješnih kandidata za “početni čin policajac” koji su zadovoljili sve postavljene uslove 150, a da je predviđen prijem 120 kandidata, molim Vladu Kantona Saarajevo da se očituje postoji li mogućnost prijema i ovih 30 kandidata koji su uspješno završili kompletnu proceduru, s obzirom na činjenicu da imaju potrebu za velikim brojem policajaca.”

**ODGOVOR NA POSLANIČKO PITANJE:**

Vlada Kantona Sarajevo je Zaključkom broj: 02-05-21160-30/17 od 15.06.2017.godine, dala saglasnost MUP-u Kantona Sarajevo – Upravi policije da provede proces raspisivanja Javnog oglasa za popunu upražnjenih radnih mjesta i zapošljavanja policijskih službenika u Ministarstvu unutrašnjih poslova Kantona Sarajevo – Uprava policije i to za 120 policijskih službenika u činu "policajac".

Komisija za izbor Uprave policije MUP-a KS je dana 06.10. 2017.godine objavila Javni oglas za popunu upražnjenih radnih mjesta policijskih službenika u Upravi policije – početni čin “POLICAJAC”- broj izvršilaca 120, te je u završnoj fazi provođenje procedure po pomenutom oglasu, obzirom da je dana 05.04.2018.godine u proceduri po pomenutom Javnom oglasu, objavljena Obavijest sa listama konačnih rezultata za svakog kandidata na osnovu ukupnog zbira rezultata na svakom od testova i bodovnom listom kandidata koji su uspješno završili testiranja i koji su predloženi za zapošljavanje, za početni čin „POLICAJAC“.

U poglavlju II – UPRAŽNJENA RADNA MJESTA I ZAPOŠLJAVANJE Zakona o policijskim službenicima Kantona Sarajevo ("Sl. novine Kantona Sarajevo", broj 25/06 i 4/08), propisana je procedura zapošljavanja u Upravi policije MUP-a KS. Posebno ističemo odredbe člana 42. stav (2) Zakona, u kojem se decidno navodi da se zapošljavanje policijskih službenika u početne činove obavlja putem javnog konkursa. Nadalje, u članu 45. stav (2) Zakona, propisano je da se zapošljavanje policijskih službenika zasniva na raspoloživosti radnih mjesta, medijskom oglašavanju kampanje zapošljavanja, javnom konkursu, prethodnom utvrđivanju uvjeta i transparentnom procesu odabiru.

Javno oglašavanje je obavezni dio procedure i kao takav je zakonom definisan, te se bilo kakvim aktima drugih organa ili institucija u toku same procedure ne može mijenjati odnosno ne omogućava disponiranje u pogledu oglašenog broja kandidata koji će se primiti. Eventualno drugačije postupanje može dovesti do poništenja cjelokupne procedure jer je izvjesno da bi žalbe kandidata bile upravo temeljene na povredi navedene zakonske obaveze koja se odnosi na oglašeni broj kandidata za prijem.


Imajući u vidu navedeno, ističemo da ukoliko Vlada KS donese Zaključak kojim se vrši izmjena broja izvršilaca na način da se povećava broj za 30 policijskih službenika u činu "policajac", Uprava policije MUP-a KS je dužna izvršiti realizaciju takvog Zaključka isključivo na način da provede kompletnu proceduru zapošljavanja raspisivanjem novog Javnog oglasa, a kako je propisano Zakonom o policijskim službenicima Kantona Sarajevo i Pravilnikom o načinu i rasporedu testiranja kandidata i sistemu bodovanja u procesu odabira policijskih službenika Ministarstva unutrašnjih poslova Kantona Sarajevo broj: 01-262/11 od 10.03.2011. godine.

Sa aspekta postojećeg zakonskog okvira koji normira oblast zapošljavanja policijskih službenika, nije propisana mogućnost retroaktivne primjene izmjene Zaključka Vlade KS u pogledu povećanja broja izvršilaca na proceduru zapošljavanja koja se trenutno provodi, obzirom da je Javni oglas za popunu upražnjenih radnih mjesta policijskih službenika u Upravi policije – početni čin "POLICAJAC" za 120 izvršilaca objavljen dana 06.10.2017.godine i procedura po istom može se provesti i okončati isključivo sa aspekta oglašenog broja radnih mjesta.

Navedeni odgovor na poslaničko pitanje dostavljamo Vam radi upućivanja istog Vladi Kantona Sarajevo i Skupštini Kantona Sarajevo.

Prilog:

-CD

  
Bosna i Hercegovina  
Kanton Sarajevo  
Ministarstvo unutrašnjih poslova  
**POLICIJSKI KOMESAR**  
Glavni inspektor policije